

# Bīdreibys „LgSC” statuti

(2020. goda 15. marta redakceja)

## 1. VYSPUOREIGĪ NŪSACEJUMI

- 1.1. „LgSC” (iz prīšku tekstā – Bīdreiba) ir patstuo veiga Bīdreiba, kurys darbeibys mierki i aizdavumi ir nūsaceiti itymūs Statutūs. Bīdreibai ir juridiskys personys statuss, i jei dorbojās atbylstūši Latvejis Republikys lykumūs nūsaceitajai kuorteibai i saskaņā ar itim Statutim, jei ir bezpeļnis organizaceja.
- 1.2. Bīdreibys nūsaukums latvīšu volūdā ir **LgSC**, krīvu volūdā – **ЛгСЦ**, angļu volūdā **LgSC**.
- 1.3. Bīdreibys simboliku veidoj stilizeits organizacejis nūsaukums (pīlykums Nr. 1).
- 1.4. Bīdreiba dorbojās Latvejis Republikys teritorejā i uorpus juos, sasadorbojūt ar leidzeigom organizacejom cytuos valstīs, kai ari cytom Bīdreibys interesis aizstuo vūšom, atbolstūšom i īsaisteitom īstuo dem, fiziskom i juridiskom personom.
- 1.5. Bīdreiba ir dybynuota iz nanūsaceitu laiku.

## 2. BĪDREIBYS MIERKIS

- 2.1. Bīdreibys darbeibys mierkis ir sekmēt jaunīšūs Eiropys pylsūneibys apsazynuošonu i veicynuot jaunīšu īsasaisteišonu Latgolys nūvoda kulturvidis, ekonomiskuos i socialuos vidis atteisteibā, puorstuovēt i styprynuot saikni ar Latvejis diasporu, koordinēt ar tū saisteitūs projektu izstruodi i realiziešonu.
- 2.2. Bīdreibys golvonī aizdavumi:
  - 2.2.1. izstruoduot, koordinēt i realizēt projektus, kas sekmej jaunīšu īsasaisteišonu Latgolys nūvoda kulturvidis, ekonomiskuos i socialuos vidis atteisteibā,
  - 2.2.2. apzynuot jaunīšūs i studentus, kas īt nu Latgolys, i veicynuot jūs sadarbeibu,
  - 2.2.3. veicynuot latgaliskuos pošapzinis ceļšonu i latgalīšu volūdys lītuošonu, atteisteit interesī par Latgolys kulturvidi, ekonomiku i sabīdriskajim procesim,
  - 2.2.4. sekmēt jaunīšūs Eiropys pylsūneibys apsazynuošonu, kai ari kūpeigys eiropiskuos identitatis sajiutys i integracejis izaveiduošonu.
- 2.3. Bīdreibys darbeibys metodis:
  - 2.3.1. apkūpuot i izdūt informativus materialus (bukletus, video materialus, avīzis, prospektus i c.) par Latgolys kulturys montuojumu, ekonomiskajim i sabīdriskajim procesim i aktivitatem,

- 2.3.2. informēt sabīdreibu par Bīdreibys darbeibu,
- 2.3.3. sasadorbuot ar cytom organizacejom i institutejom mierķu sasnīgšonai i projektu realizacejai,
- 2.3.4. reikuoť vysaida veida i rakstura apvuiceibys, nūmetnis, seminarus, konferencis i diskusejis,
- 2.3.5. veikt izgleitojūšus, informejūšus i izklaidis pasuokumus,
- 2.3.6. sekmēt pietiejumu veikšonu,
- 2.3.7. popularizēt i izkūpt studentu vydā latgaliskuos tradicejis,
- 2.3.8. sekmēt lykumdūšonys pylnveiduošonu Latgolys nūvoda interešu aizstuoveišonai,
- 2.3.9. sasadorbuot ar Latgolys pošvaļdeibom informacejis apmaiņā, kūpeigu projektu izstruodē i realiziešonā,
- 2.3.10. aicynuot Latgolys jaunīšus studēt i īgiut augstuokū izgleiteibu, kai ari veicynuot jaunūs specialistu atsagrīšonu Latgolā,
- 2.3.11. ryupētīs par organizacejis darbeibys mierķu izpiļdis ilglaiceigumu, jaunu aktivistu pīsaisteišonu,
- 2.3.12. veikt cytys Latvejis lykumdūšonā atļautuos darbeibys.

### **3. BĪDRU ĪSASTUOŠONA BĪDREIBĀ, IZASTUOŠANA I IZSLIEGŠONYS NŪSACEJUMI**

- 3.1. Par Bīdreibys bīdru (iz pīšķu tekstā – bīdrs) var kliut sevkura reiceibspiejeiga fiziska persona, kuru interesej Bīdreibys darbeiba i kas atbolsta i apsajem īvāruot itūs Statutus, Bīdreibys puorvaļdis instituteju lāmumus, īsnīdzūt rakstisku pīsacejumu. Pīsacejuma formu i jam kluot dalyktūs dokumentu sarokstu nūsoka „Nūlykums par jaunūs bīdru pījimšonu", kū izstruodoj i pījem Bīdreibys vaļde (iz pīšķu tekstā – vaļde).
- 3.2. (izslāgťs ar 08.03.2008 statutu grūziejumim)
- 3.3. Lāmumu par bīdra pījimšonu ci izsliegšonu Bīdreibā pījem vaļde. Vaļdis lāmumu par atsacejumu pījimt par Bīdreibys bīdru var puorsyudzēt bīdru Kūpsapuļcē.
- 3.4. Kotram Bīdreibys bīdram Bīdreibys Kūpsapuļcē ir vīns bolss.
- 3.5. Bīdreibys bīdra tīseibys:
  - 3.5.1. pīsadaleit vysūs Bīdreibys pasuokumūs i sapuļcēs, izvierzēt pīšķlykumus i apsprīst izvierzeitūs vaicuojumus,
  - 3.5.2. pīsadaleit Bīdreibys vadeibys i revizejis instituteju vieleišonuos, izvierzēt sovu ci cyta bīdra kandidaturu i tikt īvālātam Bīdreibys vadeibys i revizejis institutejuos,
  - 3.5.3. īsapazeit i sajimt informaceju par Bīdreibu, juos darbeibu,
  - 3.5.4. breivi dorbuotīs cytuos organizacejuos,
  - 3.5.5. Vaļdis nūsaceitajā kuorteibā lītuot Bīdreibai pīdarūšū i lītuošonā nūdūtū kūpejū montu,
  - 3.5.6. sevkurā laikā breivi izastuot nu Bīdreibys, par tū īsnīdzūt rakstisku īsnīgumu Vaļdei,

- 3.5.7. veikt cyta veida darbeibu, kas atbylst Bīdreibys mierkim i ir saisteita ar Bīdreibys aizdavumu veikšonu.
- 3.6. Bīdra pīnuokumi:
- 3.6.1. īvāruot Statutus, pīsadaleit Bīdreibys darbeibā, izpiļdeit aizdūtūs pīnuokumus i aizdavumus,
- 3.6.2. aktivi leidzadorbuot Bīdreibys darbeibā, mierķu i aizdavumu eistynuošonā,
- 3.6.3. veikt bīdru naudys īmoksys Kūpsapuļcis nūsaceitajā apmārā i moksuošonys kuorteibā,
- 3.6.4. napīļaut reiceibu, kas sagraun Bīdreibys gūdu i prestižu sabīdreibā.
- 3.7. Bīdreibys Vaļde var izslēgt bīdru nu Bīdreibys, ka bīdrs ir izdariejs kaidu nu sekojūšūs puorkuopumu:
- 3.7.1. napylda ci napīnuoceigi pylda sovys saisteibys pret Bīdreibu,
- 3.7.2. ar sovu darbeibu ci bezdarbeibu maisa Bīdreibys mierķu sasnīgšonu,
- 3.7.3. izdora vīnreizeju rupu Statutu, Kūpsapuļcis, Vaļdis i juos pīšksādātuoja lāmuma puorkuopumu, kura rezultatā Bīdreibai teik nūdarieits morals i / ci materials zaudiejums,
- 3.7.4. ir izdariejs taidu amoralu puorkuopumu, kas nav savīnojams ar tuoļuoķu darbeibu Bīdreibā atbylstūši juos mierkim i aizdavumim,
- 3.7.5. izdariejs kaidu cytu darbeibu, kas ir pretrunā ar itymūs Statutūs nūsaceitū.
- 3.8. Vaicuoķumu par Bīdreibys bīdra izslieģšonu apsaver tyvuokuos Vaļdis sēdis laikā, paaicynojūt ari izslādzamū bīdru i dūdūt jam vuordu sova vīdūkļa pausšonai. Izslādzamuo bīdra nāīsarasšona nav šķierslis Vaļdis lāmuma pījīmšonai. Vaļdis lāmums par bīdra izslieģšonu ar lāmuma motivaceju juopaziņoj rakstiski izslāgtajam bīdrām pīcu dīnu laikā nu lāmuma pījīmšonys šaļts.
- 3.9. Par īpašīm sasnīgumim Bīdreibys lobā piec Vaļdis pīšklykuma kūpsapuļcē pīšķir gūda bīdra nūsauķumu.
- 3.10. Bīdreibys atbaļsteituoķi ir persons, kas nav Bīdreibys bīdri, tok atbolsta Bīdreibys mierķus i aizdavumus. Lāmumu par Bīdreibys atbaļsteituoja statusa pīšķieršonu pījem Bīdreibys Vaļde. Bīdreibys atbaļsteituoķim ir tīseibys pīsadaleit Kūpsapuļcē, tok bez bolstīseibu.
- 3.11. Ka bīdrs nu Bīdreibys izastuoj ci teik izslāģts, jam nav tīseibu preteņdēt ci atsavynuot Bīdreibys īpašumu, juo dalis i finanšu leidzekļus, kai ari lītuot Bīdreibys simboliku.

#### **4. PUORVAĻDIS STRUKTURA**

- 4.1. Bīdreibys puorvaļdis instituteķa ir juos Vaļde, Vaļdis pīšksādātuoķs i bīdru Kūpsapuļce.

#### **5. BĪDRU KŪPSAPUĻCE**

- 5.1. Bīdreibys augstuokuo liemiejinstituteja ir bīdru Kūpsapuļce.
- 5.2. Kūpsapuļcis tīseibys i pīnuokumi:
  - 5.2.1. apstyprynuot Bīdreibys statutus i jūs grūziejumus,
  - 5.2.2. īvēlēt i atceļt Bīdreibys Vaļdi i revidentu,
  - 5.2.3. (izslāgts ar 05.03.2016. statutu grūzejumim),
  - 5.2.4. (izslāgts ar 05.03.2016. statutu grūzejumim),
  - 5.2.5. pījimt i nūsaceit Bīdreibys gūda bīdrus,
  - 5.2.6. pījimt lāmumu par Bīdreibys likvidiešonu.
- 5.3. Kūpsapuļcē ir tīseigi pīsadaleit vysi Bīdreibys bīdri. Bīdri var pīsadaleit Kopsapuļcē personeigi, attuolynuotai – izmontojūt tīšsaistis reikus voi, ar notariali apstyprynuotu pylnvaru, pylnvaruot puorstuovnīceibai kūpsapuļcē cytu bīdreibys bīdru.
- 5.4. Kuortejū kūpsapuļci sasauc Vaļdis pīšksādātuojis vīnu raizi godā – ni vāluok kai leidz 31. martam.
- 5.5. Uorkuortys Kūpsapuļci sasauc Vaļde, ka tū prosa Vaļdis pīšksādātuojis, revidents ci 10 % nu Bīdreibys bīdru, nūruodūt sasaukšonys īmešļus.
- 5.6. Par Kūpsapuļcis sasaukšonu juos bīdri teik informeiti ni vāluok kai divejis nedelis pyrms sapuļcis, informejūt kotru bīdru par juos nūrisis laiku i vītu.
- 5.7. Kūpsapuļce ir lemttīseiga, ka jimā pīsadola vaira kai puse nu bīdru.
- 5.8. Ka Kūpsapuļce nav lemttīseiga kvoruma tryukuma deļ, treis nedeļu laikā teik sasaukta atkuortuota Kūpsapuļce, kas ir tīseiga pījimt lāmumus naatkareigi nu kluotasūšūs bīdru skaita, ar nūsacejumu, ka jimā pīsadola vysmoz diveji bīdri.
- 5.9. Kūpsapuļci atkluoj, voda i slādz vaļdis pīšksādātuojis. Atsevišķūs gadīņūs Kūpsapuļci var atkluot cyta persona, kas jū voda leidz Kūpsapuļcis vadeituoja īvieleišonai.
- 5.10. Vysi bolsuojumi ir atkluoti, izjemūt gadīņus, ka vysmoz 30 % kluotasūšūs bolstīseigūs bīdru pīprosa aizkluotu bolsuojumu.
- 5.11. Kūpsapuļcis lāmums ir pījimts, ka par jū nūbolsoj vaira kai puse nu kluotasūšūs bīdru. Lāmums par statutu grūzejumim, Bīdreibys darbeibys izbeigšonu ci turpynuošonu ir pījimts, ka par jū nūbolsoj vaira kai divejis trešdalis nu kluotasūšūs bīdru.
- 5.12. Sēdis protokolu paroksta pīšksadatuojis i sēdis sekretars. Sapuļcis dokumenti ir pīejami vysim bīdrim atkluoti. Kots bīdrs ir tīseigs praseit, kab jam izsnīgtu protokola nūrokstu, kopeju ci izrokstu nu juo.



pādejā Kūpsapulcē. Ka tymā nav nivīna kandidata i Vaļde ir mozuok par 3 Vaļdis lūceklim, Vaļde sasauc uorkuortys Kūpsapulci.

## **7. VAĻDIS PRĪŠKSĀDĀTUOJS I VAĻDIS PRĪŠKSĀDĀTUOJA VĪTNĪKS**

7.1. Vaļdis prīšksādātujs:

- 7.1.1. organizej Vaļdis darbeibu,
- 7.1.2. organizej i nūdrūšynoj Vaļdis reikuojumy izpiļdi,
- 7.1.3. voda Vaļdis sēdis i Bīdreibys Kūpsapulcis,
- 7.1.4. dorbojās Bīdreibys vuordā, puorstuov jū vysuos tīsu i administrativajuos īstuoedēs lykumdūšonys nūsaceitajā kuorteibā.

7.2. Vaļdis prīšksādātuja vītnīks aizvītoj Vaļdis prīšksādātuju iz Vaļdis prīšksādātuja pylnvarys pamata.

## **8. REGIONALĪ KOORDINATORI**

8.1. Regionalūs koordinatorus īceļ Vaļde iz vīnu godu.

8.2. Regionalajim koordinatorim ir tīseibys veikt savys aktivitatis kai naatkareigi, tai sasadorbojūt ar organizacejis puorvaļdis institutejom, tai ari ar cetyim koordinatorim, regulari informejūt par tū Vaļdi. Kotra regionaluo koordinatora darbeibai juosaskaņ ar Bīdreibys statutim, Kūpsapulcis i Vaļdis lāmumim.

## **9. BĪDREIBYS FINANSIS I MONTA**

9.1. Bīdreibys leidzekļus veidoj:

- 9.1.1. Latvejis Republikys, kai ari uorvalstu fiziskūs i juridiskūs personu breivpruoteiguos īmoksys, zīduojumi, duovynuojumi,
- 9.1.2. Bīdreibys bīdru naudys,
- 9.1.3. īnuokumi nu Bīdreibys uzjiemiejarbeibys i cetyis saimnīcyskuos darbeibys,
- 9.1.4. dotacejis, subsidejis i cyta veida finansiejums, kas ir pīsaisteits nu fondu, uzjāmumu, cytu organizaceju,
- 9.1.5. par Bīdreibys leidzeklim īguoduotuo monta,
- 9.1.6. montuojumā īgiutais īpašums,
- 9.1.7. cyti īnuokumi, kas nav aizlīgti ar Latvejis Republikys lykumdūšonu i normativajim aktim.

9.2. Bīdreibys leidzekli teik izlītuoti tikai Bīdreibys mierķu i aizdavumu eistynuošonai.

9.3. Bīdreibys leidzekļu īguļdeišonys i izlītuošonys kuorteibu nūsoka Vaļde saskaņā ar Kūpsapulcē nūsaceitajim darbeibys aizdavumim, kai ari īvārojūt itūs Statutu nūsacejumus i apstyprnuotū budžeta izdavumu tāmi. Leidzekļu īguldeišona i

izlītuošana veicama atbylstūši Latvejis Republikys lykumdūšonā nūsaceitajai kuorteibai.

9.4.Ar Kūpsapuļcis lāmumu Bīdreiba ir tīseiga veiduot specialus fondus, kuri izlītojami attīceigim mierkim, kas atbylst Statutūs nūsaceitajim darbeibys mierkim i aizdavumim.

9.5.Finansu leidzekli globojās Bīdreibys nūrēkinu kontūs bankuos.

9.6. Ar Bīdreibys īpašumu saisteitys darbeibys nadreikst kolpuot par personiskuos peļnis olūtu Bīdreibys bīdrim, deļtuo nav pīļaunama peļnis sadaliešona Bīdreibys bīdru storpā.

## **10. REVIDENTS**

10.1. Bīdreibys finansialuos i saimnīciskuos darbeibys kontroli veic revidents, kuru ievielej bīdru Kūpsapuļce iz vīnu godu.

10.2. Bīdreibys revidents navar byut Bīdreibys Vaļdis lūceklis.

10.3. Revidents:

10.3.1. veic Bīdreibys montys i finansu leidzekļu revizeju,

10.3.2. dūd atzynumu par Bīdreibys budžetu i goda puorskotu,

10.3.3. izvīertej Bīdreibys gruomotvedeibys i lītvedeibys dorbu,

10.3.4. snīdz īsacejumus par Bīdreibys finansu i saimnīciskuos darbeibys uzlobuošonu.

10.4. Revidents veic revizeju bīdru Kūpsapuļcis nūsaceitajūs termiņūs, tok na rešuok kai reizi godā.

10.5. Bīdru Kūpsapuļce apstyprynoj Bīdreibys goda puorskotu tikai piec Revidenta atzynuma sajimšonys.

## **11. LgSC DARBEIBYS IZBEIGŠONA**

11.1. Bīdreibys darbeiba izabeidz, ka Kūpsapuļce Statutūs nūsaceitā kuorteibā pījem lāmumu par Bīdreibys pošlikvidaceju ci reorganizaceju, apsavīnuošonu ci pīsavīnuošonu cytai organizacejai.

Vaļdis pīšksādātuoja \_\_\_\_\_ Edeite Husare

Bidreibys "LgSC" statuti  
(2020. goda 15. marta redakceja)